



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბურაკოვსკი ვლადიმერ ივანეს ძე

ბურაკოვსკი ვლადიმერ ივანეს ძე (20. VII. 1922, თბილისი,–22. IX. 1994, მოსკოვი), კარდიოქირურგი. მედ. მეცნ. დოქტორი (1962), პროფესორი (1965), რუსეთის სამედ. მეცნ. აკად. აკადემიკოსი (1978). 1964 დაამთავრა თბილ. სამედ. ინ-ტი. 1960–66 იყო მოსკოვის ა. ბაკულევის სახ. გულ-სისხლძარღვთა ქირურგ. ინ-ტის თანდაყოლილი მანკების განყ-ბის გამგე, 1966-იდან–ამავე ინ-ტის დირექტორი. ბ. შეისწავლიდა გულ-სისხლძარღვთა ქირურგ. პრობლემებს, გულის თანდაყოლილი მანკების ქირურგიას, აორტის სარქველების მანკებს, გართულებებს „მშრალ“ და ღია გულზე ოპერაციების დროს, ჰიპერბარულ ოქსიგენაციას გულ-სისხლძარღვთა ქირურგიაში და სხვ. ნაშრომისათვის „ადრეული ასაკის ბავშვების გულის დაავადებანი“ (1970) მიენიჭა ს. სპასოკუკოცკის სახ. პრემია (1973). სსრკ სახელმწ. პრემიისა (1973) და ლენინური პრემიის (1976) ლაურეატი. ბ. იყო გულ-სისხლძარღვთა ქირურგ. საპრობლემო კომისიის თავ-რე, პურკინეს სახ. ექიმთა საზ-ბის (ჩეხოსლ.), უნგრ., ბულგ., კუბის, ჩეხოსლ. და აშშ ქირურგ. საზ-ბათა წევრი და სხვ. თბილისის საპატიო მოქალაქე. სოციალ. შრომის გმირი (1982). მიღებული აქვს სახელმწ. ჯილდოები.

თბ.: Бронхоспирометрия в хирургии гнойных заболеваний легких, Л., 1955; Гипербарическая оксигенация в сердечно-сосудистой хирургии, М., 1974 (თანაავტ. ლ. ა. ბოკერია); Открытый атриовентрикулярный канал, Тб., 1974 (თანაავტ.: ზ. ლ. ზოდელავა და ვ. ა. ბუხარინ); Легочная гипертензия при врожденных пороках сердца, М., 1975 (თანაავტ.: ვ. ა., ბუხარინ, ლ. პ. პლოტიკოვა); Пересадка сердца, Тб., 1977 (თანაავტ.: მ. ა. ფროლოვა, გ. ე. ფალკოვსკი).
